



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cavssa Helvetica Orthodoxae Fidei

Murner, Thomas

Lucernae, 1528

VD16 M 7034

Conclvsio X.

urn:nbn:de:hbz:466:1-29525

M V R N E R I.

uobis fuisset a probitatis & honestatis semitis non aberrare, non in hunc euangelicum ordinem uerissetis, in quo calices furari summus est honos.

Quibus nouem præmissis conclusionibus sufficiēter probatum credo, omnes eos qui hanc facti temeritatem uirtute uerborum dei fecisse se gaudent, aut quibusuis per eos allegatis iuribus, furta eiusmodi & rapinas colorando defendendo fures sunt & raptores patibulis gladio & alijs publicis iuditijs subiijciendi.

Sequuntur conclusiones octo de fictis & excogitatis causis, & famosis infamibusq; titulis euangelicorū: scilicet furti & raptori, cum quib⁹ maxima eorū malefacta fucant colorant & defendunt.

CONCLUSIO X.

Famosus est qui reformationis titulo sua sententia sola institutum cultum diuinum destituit aufert & delet, & quod omnes tangebatur sua temeritate deformat & approbat, plus ualere non animaduertens, quod re ipsa facit, quam id quod ab eo simulata mente concipitur.

Alij euangelici quum ab eis sciscitatur, quare diuinū cultū destituitis, aiunt se eundē in melius reformare & non delere, qui aut tam est a mente alienus, qui crederet diuinū cultū hactenus obseruatū, a concilijs & tota Christianitate a xij. apostolis, & sanctis pontificib⁹ dei martirib⁹ institutū & auctū, perire esse hīs cantunculis & cantilenis iam ab euangelicis si mijs in ecclesia decantatis. Etiam si uerba bona sint, est tamen melodia aliquando de Theodorico Veronen. aut Hilteprando ueteri, aut cantilenæ fabarū, neq; sunt humanæ excogitationes quicquid effecerint ipsi, at ea quæ fecere sancti dei, humanæ sunt inuentiones.

De nostro toti⁹ Christianitatis diuino cultu ita iura dicūt, sed nouo iure pro tali iniuria uerberat⁹ aut in exiliū mittitur.

Tt

A C T A

Sed si sacra ministeria turbauerit, uel celebrare prohibuerit, capite puniat C. de episco. & cle. Sed nouo. Et ideo missam abrogantes, & septem canonicas horas delētes, infames sunt quod publicis iuditijs præcipiantur puniri. Simile huic habetur in Auten. de sanc. episco. par. Si quis.

Quis ergo uobis demandat diuinum cultum a communi Christianitate institutū, uestro priuato iudicio leuare & auferre, contra iuris regulam. Quod omnes concernit ab omnibus approbari debet. De re. iur. li. vi.

Quare ergo in propria causa iudex estis, quum cōmunia iura id uentent. Ne quis sibi sententiam dicat C. Ne quis in sua causa. Generali lege decernimus neminem sibi esse iudicem uel ius sibi dicere debere. In re enim propria iniquū admodū est, alicui licentiā tribuere sententiæ. An nescitis nullam uos sententiā dicere debere nisi in partium præsentia, aut ubi partes contumaciter abessent ff de re iudi. le. de unoquoq; & le. cotumacia. Ideoq; non debuissetis uos in totius Christianitatis præiudiciū sic tulisse sententiam.

Quum met ipsi ignoretis quid reformare debeatis. Primo equidē missam mutastis ut non esset sacrificiū. Sed nouum finxistis canonem cum ueteris reiectione. Tertio quo deuotius missam celebrem haberetis, germanās missas legebatis, latinas abrogando. Quarto populū monuistis sub utraque specie corporis scilicet & sanguinis Ihesu Christi communicare, sicq; missam toties reformastis, donec illam cum blasphematiōe præsentis Christi ex toto deleretis ut supremā blasphemiam. Sic & græci Troiā reformarunt, & Titus ac Vespasianus Hierosolymam, Romamq; ciuilia bella.

Eius me monet uestra reformatio (ut exemplo dicā) quale apud Aesopū reperio, lupū scilicet anferes reformare uolentem reuincto sacco post tergū, dextra cœlum indicabat anseribus aditū pādens doctrina salubri, sinistra uero anserem iugulans in saccum detrucebat. Dextra baptismū docebat lava

crupa

M V R N E R I.

crum esse regenerationis humanæ, sinistra iterū uno apprehenso anseres in sacco ponit, quousq; hæc falsa demonstratiōe omnes anseres in sacco a tergo reuinctū collegit. Ita & uos euāgelici lupi dextra Canonē indicatis alterandū, sinistra calices furamini & missarū casulas, dextera docetis missam germano sermone legendam, sinistra redditus & missarū census furamini. Dextera ostenditis uenerabile sacramentū panem dumtaxat esse pistoriū, sinistra monstrantias, acerras, & aureas atq; argenteas clices depredamini. Credo uos non tam esse incogitantes quin me uestrā reformationē plane intelligere uideatis. Non debet cum ostensionē liciti illicitū perpetrari ff de Off. prest. l. e. illicitas par. Ne tenuis. Falsa enim demonstratio non potest ueritatis substantiam permutare C. de præci. impe. offe. Cum falsa. Neq; ullus in hoc mundo intellectus capere potest. ut furari, rapere, incendere, latrocinari reformationis nomen mereantur.

CONCLUSIO XI.

Famosus est qui piarū caussarū furo erogationis scilicet elemosinarum redemptionis captiuorum, alimentorum pauperum, de aliena substantia non sua dominum honorat, & res sacras prophano iudice distrahit.

Uertij suas rapinas & furta elemosinarum erogatione defendunt, sicut se ludas ungenti effusione cōmendabat, non quod de se ipso aut certe ludæ de pauperibus curæ erat, sed ut euāgelium recenset, quia fures erant & oculos habebant. Nunc autem nō licet facere malum ut bonum inde sequatur, xiiij. q. v. Elemosina. Ad Ro. Et sicut aiunt quidam nos dicere, faciamus mala ut ueniant bona. Quorum damnatio iusta est. Et nemo nisi uniuersus orbis nouit, non multū gaudere pauperes de ipsorum erogatione. Docetq; Salomon de propria & non aliena substantia dñm honorare, Prouer. iij. Disce Thobias, de tua substantia da elemosinā Thobias iij.

Tt ij